

**Inatsisartut aalajangiiffigisassaattut siunnersuut, Naalakkersuisut peqquneqassasut
naalagaaffiup avataani Kalaallit Nunaata sinniisoqarfiinut aningaasartuutit
nalilersoqqullugit. Nalilersuineq Inatsisartunut UPA2024 ingerlanerani
agguaanneqassaaq.**

Inatsisartunut ilaasortamit Jens-Frederik Nielsenimit, Demokraatit, saqqummiunneqartoq

pillugu

Nunanut Allanut Sillimaniarnermullu Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Pipaluk Lynge, Inuit Ataqtigiit, siulittaasoq

Inatsisartunut ilaasortaq Pele Broberg, Naleraq, siulittaasup tullia

Inatsisartunut ilaasortaq Adam Kristensen, Inuit Ataqtigiit

Inatsisartunut ilaasortaq Edvard Nielsen, Inuit Ataqtigiit

Inatsisartunut ilaasortaq Doris J. Jensen, Siumut

Inatsisartunut ilaasortaq Kuno Fencker, Siumut

Inatsisartunut ilaasortaq Nivi Olsen, Demokraatit

UPA2024-mi apriliip ulluisa 23-anni siullermeerinninnerup kingorna ataatsimiititaliap
siunnersuut misissuataarpaa.

Siunnersuutip imarisai siunertaalu

Siunnersuutip pingaarnertut siunertaraa Naalakkersuisut Reykjavikimi Kalaallit Nunaata
sinniisoqarfianut, Washington D.C.-mi sinniisoqarfimmut, Beijingimi Kalaallit Nunaata
sinniisoqarfianut, Bruxellesimi Kalaallit Nunaata sinniisoqarfianut kiisalu Kunngaqarfiup
Bruxellesimi NATO-mut aallartitaanut Kalaallit Nunaata sinniisuutitaanut aningaasartuutininik
nalilersuissasut.

Sinniisoqarfinnik taamatut nalilersuineq Inatsisartunik tikkuussissaaq tunngavissat suut
siunissami najoqqutarineqartarnissaannut nunarsuup sinnerani sinniisoqarfinnik
pilersitsisoqassatillugu. Siunnersuuteqartoq isumaqarpoq Kalaallit Nunaata Danmarkimi

sinniisoqarfia nalilersuinermit ilaatinneqassanngitsoq, sinniisoqarfik nunarsuup sinnerani sinniisoqarfinit allanit allanik siunertaqarmat.

Siunnersuutip Inatsisartuni siullermeerneqarnera

Siunnersuuteqartup aalajangiiffigisassatut siunnersuutaanut tunuliaqutaasoq siunnersuutip siullermeerneqarnerani atituumik isumaqatigineqarpoq. Kalaallit Nunaata Danmarkimi sinniisoqarfiata nalilersuinermit ilaatinneqarnissaa kaammattuutigineqarpoq, tassami sinniisoqarfiit sinnerinut sanilliullugu ingerlatsinermut aningaasartuutit tamatumani qaffasinnerpaammata.

Naalackersuisut allannguutissatut siunnersuuteqarput imatut oqaasertalimmik:

”Kalaallit Nunaata naalagaaffiup avataani sinniisoqarfiisa nalilersorneqarnissaat pingaartumik aningaasatigut, kulturikkut politikikkullu pingaarutaat nalilersoqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Nalilersuineq Inatsisartunut UKA2024 ingerlanerani agguanneqassaaq.”

Inatsisartut ataatsimiittarfianni oqallinneq tunngavigalugu siunnersuut Nunanut Allanut Sillimaniarnermullu Ataatsimiititaliamut suliarineqarpoq qittussanngorlugu ingerlateqqinneqassasoq aalajangerneqarpoq.

Ataatsimiititaliap siunnersuummik suliarinninnera

Ataatsimiititaliap maluginiarpaa Naalackersuisunit allannguutissatut siunnersuutigineqartup akuersissutigineqarneratigut nalilersuinissap siunertaata Naalackersuisunit ilalerneqarnera taamatullu aamma aningaasartuutit nalilersorneqarnerisa saniatigut taamatuttaaq aallartitaqarfiit kulturikkut naalackersuinikkullu pingaarutaasa aamma nalilersorneqarnissaat malitsigissammagu.

Siullermeerinninnermi Naalackersuisut allannguutissatut siunnersuutaat tapersorneqarpoq.

Siunnersuutip kalaallisut danskisullu qulequtaasa akornanni nikingasoqarnera ataatsimiititaliap maluginiarpaa.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi aalajangersarneqarpoq aalajangiiffigisassatut siunnersuutip timitalerneqarnerata aningaasatigut allaffissornikkullu kingunerisassai siunnersuummut tunngavilersuutini allaaserineqarsimassasut.

Ataatsimiititaliap maluginiarpaa siunnersuummi tamanna naapertorlugu siunnersuutip timitalerneqarnerata aningaasatigut kingunerisassai oqaatigineqarmata. Taamaalilluni

naatsorsuutigineqarpoq aningaasatigut kingunerisassaasa ilinniagartuup ukiup affaanut sulineranit 250.000 kr.-inut naapertuuttumit amerlanerussanngitsut.

Ataatsimiititaliap inassuteqaatai

- Ataatsimiititaliaq isumaqatigiittoq allannguutissatut siunnersuummik imaattumik saqqummiussivoq, taassumalu akuerineqarnissaa inassutigalugu:
”Kalaallit Nunaata sinniisoqarfiisa tamarmik, pingaartumillu aningaasatigut, kulturikkut naalackersuinikkullu pingaarutaasa, nalilersorneqarnissaannik Naalackersuisut peqquneqarnissaannik Inatsisartut aalajangiiffigisassaattut siunnersuut. Nalilersuineq Inatsisartunut kingusinnerpaamik UKA2024 ingerlanerani agguanneqassaaq.”

Taamatut oqaaseqaateqarluni isumaliutissiissummilu allassimasutut paasinnilluni
ataatsimiititaliap siunnersuut aappassaaniigassanngortippaa.

Pipaluk Lynge
Siulittaasoq

Pele Broberg
Siulittaasup tullia

Adam Kristensen

Edvard Nielsen Aronsen

Doris J. Jensen

Kuno Fencker

Nivi Olsen